



列傳第四十九

北史六十一

王盟

子勳
孫誦

獨孤信

子羅

竇熾

子榮
子毅

賀蘭祥

叱列伏龜

閻慶

子毗

史寧

子雄
祥

權景宣

王盟字仲明德皇后之兄也其先樂浪人六世祖波前燕

王盟

太宰祖珽魏黃門侍郎贈并州刺史樂浪公父熊伏波將軍以良家子鎮武川因家焉魏正光中破六韓拔陵攻陷諸鎮盟亦為其所擁拔陵平後流寓中山復以積射將軍從蕭寶寅西征寶寅僭逆盟遂逃匿人間及爾朱天光入關明從之隨賀拔岳禽万俟醜奴平秦隴常先登力戰及周文帝平侯莫陳悅除盟原州刺史孝武至長安封魏昌縣公大統二年徵拜司空轉司徒迎文帝悼后於蠕蠕加侍中遷太尉魏文帝東征以留後大都督行雍州事節度關中諸軍趙青雀之亂盟與開府李謹輔太子出頓渭北事平進長樂郡公賜姓拓跋氏遷大保九年進位太傅加

贈右僕同三司明受度弘雅仁而沈愛雖居師傅禮冠群后而謙恭自處未嘗以勢位驕人魏文帝甚尊重之及疾數幸其第親問所欲十一年薨贈太官謚曰孝定

子勸字醜興性忠果有材幹年十七從周文帝入關及平秦隴定關中周文嘗謂曰為將坐見成敗者上也被堅執銳者次也勸曰意欲兼被之周文大笑尋拜散騎常侍賜爵梁甫縣公大統初為千牛備身直長領左右出入卧内小心謹厚魏文帝常曰王勸可謂不二心臣也沙死之役勸以都督領禁兵居左翼當其前者死傷甚衆勸亦被傷重遂卒於行間周文深悼焉贈使持節太尉尚

書令十州諸軍事雍州刺史追封咸陽郡公謚曰忠武
子弼龍爵尚魏安樂公主位大都督通直散騎常侍勳
弟懋字小興盟之西征也以懋尚幼留在山東永安中始
入關與盟相見遂從征伐大統初賜爵安平縣子後進爵
為公累遷右衛將軍于時疆場交兵未申喪紀服齊斬者
並墨縗從事及明靈懋上表辭位乞終喪制魏文帝不許
累遷開府儀同三司待中左衛將軍領軍將軍懋溫和小
心敬慎宿衛宮禁十有餘年勤恪當官未嘗有過廢帝二
年除南岐州刺史賜爵安寧郡公後拜小司寇卒於官子
悅嗣位大將軍同州刺史改封濟南郡公盟兄子顯幼而

敏性沉靜少言初為周文帳內都督累遷驃騎大將軍開
府儀同三司光祿卿鳳州刺史賜爵洛邑縣公進位大將
軍卒子誼

誼字宜君少有大志便弓馬博覽見群言周閔帝時為左中
侍上士時大冢宰宇文護執政帝拱默無所關預有朝士於
帝側微不恭誼勃然而進將擊之其人惶懼請罪乃止自
是朝臣無敢不肅遷御正大夫父艱毀卒過禮廬於墓側
負土成墳武帝即位累遷內史大夫封楊國公從帝伐齊
至并州帝既入城反為齊人所敗左右多死誼率麾下馳
雄赴之齊平自相州刺史徵為大內史汾州胡亂誼擊

之帝弟越王盛譙王儉雖為總管並受誼節度賊平封一
子開國公帝臨崩謂皇太子曰皇誼社稷臣宜處以機密
不須遠任皇太子即位是為宣帝憚誼剛正出為襄州總
管及隋文帝為丞相卽州總管司馬消難舉兵反帝以
誼為行軍元帥討之未至而消難奔陳于時北至商洛南
拒江淮東西二千餘里巴蠻多叛共推渠帥蘭洛州為
主洛州自號河南王以附消難北連尉遲迥誼分兵討之
旬月皆平帝遣使勞問冠蓋不絕以弟五女妻其子奉
孝尋拜大司徒誼自以與帝有舊亦歸心焉及隋受禪顧
過彌厚帝親幸其弟與之極歡大常卿蘇威議以為戶

口滋多人田不贍欲減功臣之地以給人誼奏曰百官者
歷世勳賢方蒙爵土一旦削之未見其可帝以為然竟寢威
議帝將幸岐州誼諫曰陛下初臨萬國人情未洽何用此
行上戲之曰吾昔與公位望齊等一朝屈節為臣或當耻
愧是行也振揚威武欲以服公心耳誼笑而退尋奉使突
厥帝嘉其稱旨進郢國公未幾其子奉孝卒踰年誼上表
言公主少請除服御史大夫楊素劾誼曰臣聞喪服有五
親疎異節喪制有四降殺殊文王者之所常行故曰不易
之道也而儀同王奉孝既尚蘭陵公主以去年五月身喪
始經一周而誼便請除釋竊以雖曰王姬終成下嫁之禮

公則主之猶在移天之義况復三年之喪自上達下及於春
釋服在禮未詳然夫婦之則人倫攸始喪紀之制人道至
大苟不重之取笑君子故鑽燧改火責以居喪之速朝祥
暮歌譏以忘哀之早然誼雖不自強爵位已重欲為無禮
其可得乎乃薄俗傷教為父則不慈輕禮易喪致婦於無
義若縱而不正恐傷風俗有詔不問然恩禮稍薄誼頗怨
望或告誼謀反帝令察其事主者奏誼有不遜之言實無
反狀帝賜酒而釋之時上柱國元諧亦頗失意誼數與往
來言論醜惡胡僧告之公卿奏誼大逆不道罪當死帝見
誼澹然曰朕與公舊同學甚相憐愍將奈國法何於是

詔

詔曰誼有周之世早預人倫朕共遊庠序遂相親好然性
懷儉薄巫覡盈門鬼言怪語稱神道聖朕受命之初深存
戒約口云改悔心實不悛乃說四天王神道誼應受命書
有誼識天有誼星桃麗二川岐州之下歲在辰巳與帝王
之業密令卜問伺殺省之災又說其身是明王聖王信用
左道所在誑誤自言相表當王不疑此而赦之將或為亂
禁暴除惡宜伏國刑帝復令大理正趙綽謂誼曰時命如
此將若之何乃賜死於家時年四十六
獨孤信雲中人也本名如願魏初有四十六部其先伏留
屯者為部落大人與魏俱起祖俟尼和平中以良家子自

雲中鎮武川因家焉父庫者為鎮人酋長少雄豪有節義
北州咸敬服之信美容儀善騎射正光末與賀拔度等同
斬衛可瓌由是知名後為葛榮所獲信既少年自脩飾服
章軍中號為獨孤郎及爾朱氏破葛榮以信為別將從征
韓婁信匹馬挑戰禽賊漁陽王表賜周後以破元顥黨賜
爵受德縣侯遷武衛將軍賀拔勝出鎮荊州乃表信為大
都督及勝弟岳為侯莫陳悅所害勝乃令信入關撫岳餘
衆屬周文帝已統岳兵與信鄉里少相友善相見甚歡因
令信入洛請事至雍州大使元毗又遣信還荊州尋徵入
朝魏孝武雅相委任及孝武西遷事起倉卒信單騎及之

於海濱孝武嘆曰武衛遂能辭父母捐妻子從我世亂
忠良豈虛言哉進爵浮陽郡公時荊州雖陷東魏人心猶
戀本朝乃以信為衛大將軍都督三荊州諸軍事兼尚書
右僕射東南道行臺大都督荊州刺史以招懷之既至東
魏刺史辛纂出戰信縱兵擊纂大敗之都督揚忠等前驅
斬纂於是三荆遂定東魏又遣其將高敖曹侯景等奄至
信以衆寡不敵遂率麾下奔梁居三載梁武帝方許信還
北信父母既在山東梁武帝問信所往荅以事君無二梁
武義之禮送甚厚大統三年至長安以虧損國威上書謝
罪魏文帝付尚書議之七兵尚書陳郡王玄等議以為既

經恩降請赦罪後職詔轉驃騎大將軍加侍中開府尋拜
領軍將軍仍從復弘農破沙苑改封河內郡公傳虜中有
信親屬始得父凶問乃發喪行服尋起為大都督與馮翊
王元季海入洛陽預豫襄廣陳留之地並款附四年東魏
將侯景等圍洛陽信據金墉城隨方拒守旬有餘日及周
文帝至灑東景等退走信與李遠為右軍戰不利東魏遂
有洛陽六年侯景寇荊州周文令信與李弼出武關景退
即以信為大使慰撫三荆尋除隴右十一州大都督秦州
刺史先是守宰闇弱政令乖方人有冤訟歷年不能斷決
及信在州事無壅滯示以禮教勸以耕桑數年之中公私

富實流人願附者數萬家周文以其信著遐邇故賜名為
信七年岷州刺史赤水蕃王梁公定舉兵反詔信討之公
定尋為其部下所殺而公定子第仍收其餘衆信乃勒兵
向萬年頓三交谷口賊併力拒守信因詭道趣稠松嶺賊
不虞信兵之至望風奔潰乘勝逐北徑至城下賊竝出降
加授太子太保芒山之戰大軍不利信與于謹帥散卒自
後擊之齊神武追騎驚擾諸軍因此得全及涼州刺史宇文
文仲和據州不受代周文令信率開府怡峯討之仲和嬰
城固守信夜令諸將以衝梯攻其東北信親率壯士襲其
西南達明克之禽仲和虜其六千戶送于長安拜大司馬

十三年大軍南討時以蠕蠕為寇今信移鎮河陽十四年
進位柱國大將軍錄前後功贈封聽回授諸子於是第二
子善封魏寧縣公第三子穆必要縣侯第四子藏義寧縣
侯邑各一千戶第五子順武成縣侯第六子陀達思縣伯
邑各五百戶信在隴右歲久啓求還朝周文不許或有自
東魏來者文告其母凶問信發喪行服信陳哀苦請終禮
制又不許於是追贈信父庫者司空公追封信母費連氏
常山郡君十六年遷尚書令六官建拜大司馬周孝閔帝
踐阼遷太宗伯進封衛國公邑萬戶趙貴誅後信以同謀
坐免居無幾晉公護又欲殺之以其名望素重不欲顯其

罪過逼令自盡於家時年五十五信美風度雅有奇謀大
略周文初啓霸業唯有關中之地以隴右形勝故委信鎮
之既為百姓所懷聲震隣國東魏將侯景之南奔梁也魏
收為檄梁文矯傳信據隴右不從文氏乃云無關西之
憂欲以委梁人也文信在秦州嘗因獵日暮馳馬入城其
帽微側詰旦而吏人有戴帽者咸慕信而側帽焉其為隣
境及士庶所重如此子羅先在東魏乃以次子善為嗣及
齊平羅至而善卒又以羅主嗣信長女周明敬后第四女
元貞后第七女隋文獻后周隋及皇家三代皆為外戚自
古以來未之有也隋文帝踐極乃下詔褒贈信太師上柱

國十州諸軍事冀州刺史封趙國公邑一萬戶謚曰景追
贈信父庫者使持節太尉上柱國六州諸軍事定州刺史
封趙國公邑一萬戶謚曰恭信母費連氏贈太尉趙恭公
夫人

羅字羅仁父信隨魏孝武入關中羅遂為高氏所囚及信
為宇文護誅羅始見釋寓居中山孤貧無以自給齊將獨
孤求業以宗族故哀之為買田宅遺以資畜初信入關後
復娶二妻郭氏生子六人善穆藏順隋整崔氏生隋獻皇
后及齊亡隋文帝為定州摠管獻皇后遣人求羅得之相
見悲不自勝侍御者皆泣於是後遺車馬財物未幾周武

帝以羅功臣子久淪異域徵拜楚安郡太守以疾去官歸
京師諸弟見羅少長負賤每輕侮不以兄禮事之然性長
者亦不與諸弟校競長短后由是重之文帝為丞相拜羅
儀同常置左右既受禪詔追贈羅父其諸弟以羅母沒家
先無夫人號不當承襲上以問台台曰羅誠嫡長不可誣
也於是襲爵趙國公以其弟善為河內郡公穆為金泉縣
公藏為武平縣公陔為武善縣公整為千牛備身擢拜羅
為左領將軍遷左衛將軍前後賞賜不可勝計出為涼州
摠管進位上柱國徵拜左武衛大將軍煬帝嗣位改封蜀
國公未幾卒官謚曰恭子纂嗣位河陽都尉纂弟武都大

業末亦為河陽都尉庶長子開遠字文化及之弒逆也裴
虔通率賊入城象殿宿衛兵士皆從逆開遠時為千牛與
獨孤盛力戰閣下為賊所執賊義而捨之

善字伏陁幼聰慧善騎射以父封勳封魏寧縣公魏廢帝
元年又以父勳授驃騎大將軍開府儀同三司加侍中進
爵長城郡公周孝閔帝踐阼除河州刺史以父負豐火廢
於家保定三年乃授龍州刺史天和六年襲爵河內郡公
從帝東討以功授上開府尋除兗州刺史政在簡惠百姓
安之卒於州贈使持節柱國五州諸軍事定州刺史子覽
嗣位右候衛大將軍大業末卒

陁字梨邪仕周晉附上士坐父徙蜀十餘年宇文護誅始
歸長安隋文帝受禪拜上開府領左右將軍累轉延州刺
史陁性好左道其外祖母高氏先事猫鬼已殺其舅郭少
羅因轉入其家上微聞而不信會獻皇后及楊素妻鄭氏
俱有疾召醫視之皆曰此猫鬼疾上以陁后之異母弟陁
妻楊素之異母妹由是意陁所為陰令其兄左監門郎將
穆以情喻之上又避左右諷陁言無有上不說左轉遷
州刺史出怨言上令左僕射高穎納言蘇威大理正皇甫
孝緒大理丞楊述等雜案之陁婢徐阿尼言本從陁母家
從帝幸猫鬼每以子日夜祀之言子者鼠也其猫鬼每殺

人者所死家財物潛移於畜猫鬼家陸嘗從家中索酒其
妻曰無錢可酤陸因謂阿尼曰可令猫鬼向越公家使我
足錢阿尼便呪之居數日猫鬼向素家後上初從并州還
陸於園中謂阿尼曰可令猫鬼向皇后所使多賜吾物阿
尼復呪之遂入宮中擄遠乃於門下外首遣阿尼呼猫鬼
阿尼於是夜中置香粥一盆以匙扣而呼曰猫女可來無
住宮中父之阿尼色正青若被牽拽者云猫鬼已至上以其
事下公卿奇章公牛弘曰祇由人與殺其人可以絕矣上
令犢車載陸夫妻將賜死於其家陸弟司勳侍中整詣闕
求哀於是免陸死除名以其妻楊氏為尼先是有人訟其

母為人猫鬼所殺者上以為妖惑而遣之及此

詔書被

訟行猫鬼家陸未幾而卒錫帝即位追念舅氏聽以禮葬
乃下詔贈正議大夫帝意猶不已復贈銀青光祿大夫二
子延福延壽陸弟整位幽州刺史大業初贈金紫光祿大
天平鄉侯

實熾字光成扶風平陵人後漢大鴻臚章之後也章子統
靈帝時為鴈門太守避靈武之難亡奔匈奴遂為部落大
人後魏南徙子孫因家代賜姓紇巨陵氏累世仕魏至
大官父略平遠將軍以熾著勲贈少保柱國大將軍建昌
公熾性嚴明有謀略美鬚髯身長八尺三寸少從范陽祈

忻受毛詩左氏春秋略通大義善騎射膂力過人魏正光
末北鎮擾亂乃隨略避地定州投葛榮榮欲官略略不受
榮疑其有異志遂留略於冀州將熾及熾兄善隨軍及亦
朱榮破葛榮熾乃將家隨榮於并州時葛榮別帥韓婁等
據薊城不下以熾為都督從驃騎將軍侯深討之熾手斬
婁以功拜揚烈將軍魏孝武即位蠕蠕等諸蕃並遣使朝
貢帝臨軒宴之有鴟飛鳴於殿前帝素知熾善射因欲矜
示遠人乃給熾御箭兩隻命射之鴟乃應弦而落諸蕃又
咸歎異焉帝大悅尋隨東南道行臺樊子鵠追余朱仲遠
奔梁時梁王又遣元樹入寇據譙城子鵠令熾擊破之封

行唐縣子尋進爵上洛縣伯時帝與齊神武構隙以熾有
威重堪處瓜牙任拜閣內大都督遷朱衣直閣遂從帝西
遷仍與其兄善至城下與武衛將軍高金龍戰於千秋門
敗之因入宮城取御馬四十匹并鞍勒進之行所帝大悅
賜熾及善駿馬各二匹騫馬十匹大統元年別封真定縣
公從周文帝禽竇泰復弘農破沙苑皆有功河橋之戰諸
將退走熾時獨從兩騎為敵人追至芒山熾乃下馬背山
抗之俄而敵眾漸多矢下如雨熾騎士所執弓並為敵人
所射破熾乃摠收其箭以射之所中人馬應弦而倒敵乃
相謂曰得此三人未足為功乃稍引退熾因其怠遂突圍

得出又從太保李弼討白額稽胡破之高仲密以北豫州
來赴熾從周文授之至洛陽會東魏人據芒山為陣周文
命留輜重於灑曲率輕騎奮擊中軍與右軍大破之悉虜
其步卒熾獨追至石濟而還大統十三年進使持節驃騎
大將軍開府儀同三司加侍中出為涇州刺史熾數年
政號清靜改封安武縣公魏廢帝元年除原州刺史熾抑
挫豪右申理幽滯在州十載甚有政績州城北有泉水熾
屢經游踐嘗與僚吏宴於泉側因酌水自飲曰吾在此州
唯當飲水而已及去職後人吏感其遺惠每至此泉者莫
不懷之恭帝元年進爵廣武郡公屬蠕蠕寇廣武熾與社

國趙貴分路討之蠕蠕引退熾度河至魏伏川追之天破
之武成一年拜柱國大將軍周高祖以熾前朝舊臣勲望
兼重欲獨為造第熾辭以天下未平干戈未偃不宜輒發
徒役周明不許尋而帝崩爭方得寢保定元年進封鄧國
公邑一萬戶別食資陽縣一千戶收其租賦天和五年自
大宗伯為宜州刺史先是周文田於涇北令熾與晉公護
分射走兔熾一日獲十七頭護十一頭護耻不及因以為
嫌至是熾又以周武年長有勸護歸政之議護惡之故左
遷焉及護誅徵拜太傅熾既朝之元老名望素隆至於軍
國大謀常與參議嘗有疾周武帝幸其第問之因賜金石

之樂其見禮如此帝於大德殿將謀也齊世年已衰老乃
扼腕曰臣雖朽邁請執干櫓首啓戎行得一覩誅翦鯨鯢
廓清寰宇省方觀俗登岳告成然後歸魂泉壤無復餘恨
帝壯其志節遂以熾第二子武當公恭為左二軍總管齊
平之後帝乃召熾歷觀相州宮殿熾拜賀曰陛下真不負
先帝矣帝大悅進位上柱國宣政元年兼雍州牧及周宣
營建東京以熾為京洛營作大監宮苑制度皆取決焉大
象初改命梁陵縣邑戶如舊隋文帝入輔政停洛陽宮作
熾請入朝屬尉遲迥舉兵熾乃移入金墉與洛州刺史平
涼公元亨同心固守仍權行洛陽鎮事相州平熾方入朝

屬文帝初為相國百寮皆勸進自以累世受恩遂不肯署
履時人皆高其節及帝踐極拜太傅加殊禮贊拜不名開
皇四年八月薨時年七十八贈八州諸軍事冀州刺史謚
曰恭熾事親孝奉諸兄以悌順聞及其望位隆重而子孫
皆處列位遂為當時盛族子茂嗣茂有弟十二人恭威最
知名恭位至大將軍從周武平齊封贊國公除西兗州總
管以罪賜死熾兄善以中軍大都督南城公從魏孝武西
遷仕至太僕衛尉卿汾北華瀛三州刺史驍騎大將軍開
府儀同三司永富縣公謚曰忠子榮定嗣
榮定沈深有器局容貌魁偉美鬚鬣便弓馬以為魏文帝

千牛備身周文帝見而奇之授平東將軍賜置君縣子
後從周文與齊人戰於北芒周師不利榮定與汝南公宇文
文相慶帥精騎擊却齊師以功拜上儀同尋復以軍功進
位開府襲爵永富縣公除忠州刺史從平齊加上開府拜
前將軍從飛中大夫其妻則隋文帝長姊安成長公主也
文帝少與之情契其厚榮定亦知帝有人君之表尤相推
結及帝作相領左右官伯使鎮守天臺總統靈門內兩廂
仗衛常宿禁中遇尉遲迥初平朝廷頗以山東為意拜榮
定為洛州總管以鎮之前後賜練四千四西涼女樂一部
又受禪來朝賜馬三百匹部曲八十戶遣之坐事除名公

主曰天子妹乃作田舍兒妻上不得已尋拜右武侯大將
軍上數幸其第恩錫甚厚每令尚食局日供羊一口珍味
稱是以佐命功拜上柱國歷位寧州刺史右武侯大將軍
秦州總管賜吳樂一部突厥沙鉢略寇邊為行軍元帥卒
總管出涼州與虜戰於高越原兩軍相持地無水士卒渴
其至刺馬血而飲死者十二二榮定仰天太息俄而澍雨
軍復振於是進擊數挫其鋒突厥憚之請盟而去賜練萬
匹進爵安豐郡公復封子憲為安康郡公賜練五千匹歲
餘拜右武衛大將軍帝欲以為三公榮定上書固辭陳畏
懼之道帝乃止前後賞賜不可勝計及卒帝為之廢朝令

左衛大將軍元旻監護喪事賻絹三千匹上謂侍臣曰吾每欲致榮定於三事其人固讓不可今欲賜之重違其志於是贈冀州刺史陳國公諡曰懿子抗嗣抗美容儀性通率長於巧思父卒後恩遇彌厚所賜錢帛金寶亦以鉅萬位定州刺史檢校幽州總管煬帝即位漢王諒反以為抗與通謀由是除名以其弟慶襲封陳公慶亦有姿容性和厚頗工草隸初封末富郡公位河東太守衛尉卿大業末為南郡太守為盜賊所害慶弟璉亦工草隸頗解鍾律歷位潁川南郡扶風太守熾兄子毅

毅字天武父岳早卒及毅著勲追贈大將軍冀州刺史毅深沈有器度事親以孝聞魏孝武初起家負外散騎侍郎時齊神武擅朝毅慨然有徇主之志從孝武西遷封奉高縣子從禽竇泰復弘農戰沙苑皆有功進爵安武縣公恭帝元年進授驃騎大將軍開府儀同三司大都督改封末安縣公出為幽州刺史周孝閔帝踐阼進爵神武郡公保定三年拜大將軍時與齊人爭衡戎車歲動竝交結突厥以為外援突厥已許納女於周齊人亦甘言重幣遣使求婚欲人便欲有悔朝廷乃令楊荐等累使結之往返十餘方復前好至是雖期往逆猶懼改圖以毅地兼勲戚素以威重乃令為使及毅至齊使亦在焉突厥君臣猶有威志

毅抗言正色以大義責之累旬乃定卒以皇后歸朝議嘉
之別封成都縣公進位柱國歷同州刺史蒲金二州總管
加上柱國入為大司馬隋開皇初拜定州總管累居藩鎮
咸得人和二年薨於州贈襄鄴等六州刺史諡曰廟毅性
溫和不以謹慎自守又尚周文帝第五女襄陽公主特為
朝廷所委信雖任兼出內未嘗有矜惰之容特人以此稱
焉子賢嗣

賢字託賢志業通敏少知名宣政元年授使持節儀同大
將軍開皇中襲爵神武公除遷州刺史毅第二女即大唐
太穆皇后武德元年詔贈毅司空使持節總管荆鄴等十

州諸軍事荊州刺史杞國公又追贈賢子紹宣秦州刺史
并襲賢爵紹宣無子仍以紹宣兄子德藏嗣

賀蘭祥字盛梁其先與魏俱起有乞伏者為賀蘭莫何弗
因以為氏後有以良家子鎮武川者遂家焉父初貢少知
名為鄉閭所重尚文帝姊建安長公主保定二年追贈太
傅柱國常山郡公祥年十一而孤居喪合禮長於舅氏特
為周文帝所愛雖在戎旋常傳延儒生教以書傳周文初
入關祥與晉公護俱在晉陽後乃遣使迎致之解褐奉朝
請少有膽氣志在立功尋擢補都督恒居帳下從平侯莫
陳悅又迎魏孝武以前後功封撫夷縣伯仍從擊潼關獲

東魏將薛長儒又攻回洛拔之還拜左直長進爵為公
大統九年從周文與東魏戰於芒山進位驃騎大將軍開
府儀同三司加侍中十四年除都督荊州刺史進爵博陵
郡公先是祥嘗行荊州事雖未朞月頗有惠政至是重往
百姓安之由是漢南流人襁負至者日有千數遠近蠻夷
莫不款附祥隨機撫納咸得其歡心時盛夏亢陽祥親巡
境內觀政得失見有發掘古冢暴露骸骨乃謂守令曰此
豈仁者為政邪命所在收葬之即日澍雨是歲大有年境
內多古墓其俗好行發掘至是遂息祥雖周文密親性甚
清素州境南接襄陽西通岷蜀物產所出多諸珍異既與

梁通好行李往來公私贈遺一無所受梁雍州刺史岳陽
王蕭譽欽其風素乃以竹屏風絺綌之屬及經史贈之祥
難違其意取而付諸所司周文後聞之竝以賜祥十六年
拜大將軍周文以涇渭漑灌之處渠堰廢壞乃令祥修造
富平堰開渠引水東注於洛功用既畢入獲其利魏廢帝
二年行華州事後改華州為同州仍以祥為刺史尋拜尚
書左僕射六官建授小司馬周孝閔帝踐阼進位柱國大
司馬時晉公護執政祥與護中表少相親愛軍國之事護
皆與祥參謀及誅趙貴廢閔帝祥有力焉武成初吐谷渾
掠州郡詔祥與宇文貴總兵討之祥乃遣其軍司檄吐

公渾與渾廣定王鍾留王等戰破之因拔其洗陽洪和二
城以其地爲洮州撫安西土振旅而還進封涼國公薨贈
太師同岐等十三州諸軍事同州刺史謚日景有七子故
讓璨師寬知名敬少歷顯職封化隆縣侯後襲爵涼國公
位柱國華州刺史讓大將軍鄭州刺史河東郡公璨開府
儀同三司宣陽郡公建德五年從於并州戰歿贈上儀同
大將軍追封清都公師尚明帝女位上儀同大將軍幽州
刺史博陵郡公寬開府儀同大將軍武始公入隋歷汴鄭
二州刺史竝著政績祥弟陸大將軍襄樂縣公隋文帝與
祥有舊開皇初追贈上柱國

此列伏龜字摩頭陞代郡西部人也其先爲部落大人魏
初入附遠世爲第一領人酋長至龜五世龜容貌瑗偉
帶十圍進止詳雅兼有武藝嗣父業後爲領人酋長魏孝
昌三年以別將從長孫承業西征累遷金紫光祿大夫從
還洛授都督遂爲齊神武所寵任加授大都督沙苑之敗
隨例來降周文帝以其豪門解縛禮之仍以孫惠公女妻
之大統四年封長樂縣公自此常從征討每有戰功歷侍
中驃騎大將軍開府儀同三司恒州刺史卒子椿嗣椿字
千年明帝時位驃騎大將軍開府儀同三司改封永世縣
公天和初除左宮伯進位大將軍

閻慶字仁度河陰人也曾祖善仕魏歷龍驤將軍雲州鎮
將因家雲州之盛樂郡祖提持節車騎大將軍敦煌鎮都
大將父進有謀略勇冠當時正光中拜龍驤將軍屬儒可
環作亂攻圍盛樂進率衆拒守以功拜盛樂郡守慶幼聰
敏重然諾風儀端肅望之儼然隨父固守盛樂頗有力焉
拜別將後以軍功拜步兵校尉中堅將軍既而齊神武舉
兵入洛魏孝武西遷慶謂所親曰高歡將有篡逆之謀豈
可苟安目前受其控制也遂以大統三年自宜陽歸關相
遷後將軍封安次縣子以功進爵爲伯慶善於綏撫士卒
未休未嘗先舍故能盡其死力屢獲勳勞累遷前騎常侍

驃騎大將軍開府儀同三司雲州大中正加侍中賜姓大
野氏周孝閔帝踐阼出爲河州刺史進爵石保縣公州居
河外地接戎夷慶留心撫納頗稱簡惠就拜大將軍進爵
大安郡公入爲小司空歷雲寧二州刺史慶性寬和不苟
察百姓悅之天和五年進位柱國晉公護母慶之姊也護
雖擅朝而慶未嘗阿附及護誅武帝以此重之詔慶第十
二子毗尚帝女清都公主慶雖位望隆重婚連帝室常以
謙慎自守時以此稱之建德二年抗表致事優詔許焉慶
既衰老恒嬰沉痾宣帝以其先朝耆舊特異恒倫乃詔靜
帝至第問疾賜布千段醫藥所須令有司供給大象二年

拜上柱國隋文帝踐極又令皇太子就第問疾仍供醫藥
之費開皇二年薨年七十七贈司空七州諸軍事荊州刺
史謚曰成長子常先慶卒次子毗嗣

毗七歲襲爵石保縣公及長儀貌矜嚴頗好經史受漢書
於蕭詵略通大旨能篆書草隸尤善為當時之妙周武帝
見而悅之命尚清都公主宣帝即位拜儀同三司隋文帝
受禪以技藝侍東宮數以瑰麗之物取悅於皇太子因是
甚見親待每稱之於上尋拜車騎右衛東宮上嘗遣高穎
大閱於龍臺澤諸軍部伍多不齊整唯毗一軍法制肅然
類言之於上時蒙賜帛俄兼太子宗衛率長史尋加上儀

同太子服翫之物多毗所為及太子廢毗坐杖一百與
子俱配為官奴婢二歲放免煬帝嗣位盛修軍器以毗性
巧練習舊事詔典其職尋授朝請郎毗立議輦輅車輿多
所增損擢拜起部郎帝嘗大備法駕嫌屬車太多顧謂毗
曰開皇之日屬車十二乘於事亦得今八十一乘以牛駕
車不足以益文物朕欲減之從何為可毗曰臣初定數共
宇文愷參詳故實據漢胡伯始蔡邕等議屬車八十一乘
此起於秦遂為後式故張衡賦云屬車九九是也次及法
駕三分減一為三十六乘此漢制也又據宋孝建時有司
奏議晉遷江左唯設五乘尚書建平王宏曰八十一乘義

兼六國三十六乘無所準憑江左五乘儉不中禮但帝王
文物旂旒之數爰及冕玉皆用十二今宜準此設十二乘
開皇平陳因以爲法今憲章往古大駕依秦法駕依漢小
駕依宋以爲差等帝曰何用秦法大駕宜三千六法駕宜
十二小駕除之毗研精故事皆此類也長城之役毗摠其
事及帝有事恒岳詔毗營立壇場尋轉殿內丞從幸張掖
郡高昌王朝于行所詔毗持節迎勞遂將護入東都尋以
母憂去職未葬起令視事將興遼東之役自洛口開渠達
涿郡以通漕毗督其役明年兼領右翊衛長史營建臨朔
宮及征遼東以本官領武賁卽將典宿衛時軍圍遼東城

帝令毗詣城下宣諭賊弓弩亂發流矢中所乘馬毗顏色
不變辭氣抑揚卒事而去遷殿內少監又領將作少監後
復從帝征遼東會楊玄感作逆帝班師從至高陽郡卒帝
甚悼惜之贈殿內監史寧字水和建康袁氏人也曾祖豫
仕沮渠氏爲臨松令魏平涼州祖灌隨例遷於撫寧鎮因
家焉父遵初爲征虜府鎧曹參軍杜洛周構逆六鎮自相
屠陷遵遂率鄉里奔恒州其後恒州爲賊所敗遵後歸洛
陽拜樓煩郡守及寧著勲贈散騎常侍征西大將軍涼州
刺史謚曰貞寧少以軍功累加持節征東將軍金紫光祿
大夫賀拔勝爲荊州刺史寧以本官爲勝軍司隨勝部會

荆蠻騷動三鵞路絕寧先驅平之因撫慰蠻左翕然降附
尋除南郢州刺史及勝爲大行臺表寧爲大都督攻梁下
澁戍破之封武平縣伯又攻拔梁齊興鎮等九城未及論
功屬孝武西遷東魏遣侯景寇荊州寧隨勝奔梁梁武帝
引寧至香橙前謂之曰觀卿風表終是富貴我當使卿衣
錦還鄉寧答曰臣世荷魏恩位爲列將天長喪亂本朝傾
覆不能北面事逆賊幸得息肩有道儻女明詔欣奉實多
因涕泣橫流梁武爲之動容在梁二年勝乃與寧密圖歸
計寧曰朱弁旣爲梁主所信任請往見之勝然其言寧乃
見弁申以投分之言微託思歸之意辭氣雅至弁亦嗟挹

爲秦梁主東許勝等歸大統二年自梁歸進爵爲侯久之
遷車騎將軍行涇州事時賊帥莫折後賊寇涼居人寧率
州兵與行原州事李賢討破之轉東義州刺史東魏亦以
胡梨苜爲東義州刺史寧僅得入州梨苜亦至寧遂擊破
之斬其洛安郡守馮蓋道州旣隣接疆場百姓流移寧留
心撫慰咸來復業轉涼州刺史寧未至而前刺史宇文仲
和據州作亂詔獨孤信與寧討之寧先至涼州爲陳禍福
城中吏人皆相率降附仲和仍據城不下尋亦尅之後遷
驃騎大將軍開府儀同三司加侍中進爵爲公十六年宕
昌叛羌獠甘作亂逐其王彌定而自立并連結傍乞鐵忽

及鄭五醜等詔寧率軍與宇文貴、豆盧寧等討之。寧別擊獠甘，而山路險阻，纔通單騎。獠甘已分其黨，立柵守險。寧進兵攻之，遂破其柵。獠甘將百騎走，投生羌鞏康玉，彌定遂得復位。寧以未獲獠甘，遂進軍大破之，生獲獠甘，徇而斬之，并執鞏康玉送闕。所得軍實悉分賞將士，寧無私焉。師還，召寧杰所部鎮河陽。寧先在涼州，戎夷服其威惠，遷鎮之後，邊人竝思慕之。魏廢帝元年，復除梁、甘、瓜三州諸軍事、涼州刺史。初，蠕蠕與魏和親，後更離叛，尋為突厥所破，殺其主阿那瓌，部落逃匿者乃奉懷之子孫抄掠河右。寧率兵邀擊，獲瓌子孫一人，并其種落酋長自是乃戰破。

之前後數萬人進爵安政郡公。二年，吐谷渾通使來奔，寧擊獲之，就拜大將軍。寧後遣使詣周文帝，請事。周文即以所服冠履衣被及弓箭甲等賜寧，謂其使人曰：「為我謝涼州孤解衣以衣公，推心以委公，善始令終，無損功名也。」時突厥木汗可汗假道涼州，將襲吐谷渾。周文令寧率騎隨之，軍至番禾吐谷渾，已覺奔於南山。木汗將分兵追之，令俱會於青海。寧謂木汗曰：「樹敦賀真，其二城是吐谷渾巢穴。今若拔其本根，餘種自然離散。此上策也。」木汗從之，即分為兩軍。木汗從北道，向賀真。寧趣樹敦渾，使周王率衆逆擊，斬之。踰山復險，遂至樹敦。樹敦是渾之舊都，多諸

珍藏而渾主先已奔賀真留其征南王及數千人固守寧
進兵攻之為退渾人果開門逐之因回兵奮擊門未及闔
寧兵遂得入生獲其征南王俘虜男女財寶盡歸諸突厥
渾賀羅拔王依險為柵欲塞寧路寧攻破之木汗亦破賀
真虜渾主妻子大獲珍物寧還軍於青海與木汗會木汗
握寧手歎其勇決并遺所乘良馬令寧於帳前乘之木汗
親自步送突厥以寧所圖必破皆畏憚之咸曰此中國神
智人也及將班師木汗又遺寧奴婢一百口馬五百匹羊及
一萬口寧及還州尋被徵入朝屬周文帝崩寧悲慟不已
乃請赴陵所盡哀并告行師尅捷周孝閔帝踐阼拜小司

徒出為荊州刺史荆襄淝郢等五十二州及江陵鎮防諸
軍事寧有謀畫識其權臨敵指搆皆如其策甚得當時之
譽及在荊州頗自奢縱貪濁不脩法度嘗出有人訢州佐
屈法寧還付被訟者治之自是有事者不敢復言聲名大
損於西州保定三年卒於州謚曰烈子雄嗣

雄字世武少勇敢旅力過人便弓馬有筭略年十四從寧
於牽屯山奉迎周文帝仍從校獵弓無虛發周文歎異之
尋尚周文女永富公主除使持節驃騎大將軍開府儀同
三司累遷駕部中大夫司馭中大夫從柱國抱罕公辛威
鎮金城遂卒於軍時年二十四雄弟祥

祥字世休少有文武才幹仕周太子車右中士襲爵武遂縣公隋文帝踐阼拜儀同領交州事進爵陽城郡公在州頗有惠政轉驃騎將軍伐陳之後從宜陽公主世積出九江道破陳師進拔江州文帝大悅下詔慰勉之進位上開府尋拜蘄州刺史遷蘄州總管徵拜左領軍將軍復以行軍總管從晉王廣破突厥於靈武遷右衛將軍仁壽中率兵屯弘化以備胡煬帝時在東宮遺祥書論舊行兵時事中以恩旨祥為書陳謝太子甚親遇之及即帝位漢王諒作亂遣其將慕容良自滏口徇黎陽塞白馬津余公理自太行下河內帝以祥為行軍總管軍於河陰久不得濟祥

謂軍吏曰余公理輕而無謀又新得志謂其衆可恃恃衆必驕且河北人先不習兵所謂擁市人而戰不足圖也乃令軍中修攻具公理使謀知之果屯兵於河陽內城以備祥於是艤船南岸公理聚甲當之祥乃簡精銳於下流潛度公理拒之未成列祥縱擊大破之東趨黎陽討慕容泰良棄軍走其衆大潰進位上大將軍賜練綵七千段女妓十人良馬二十疋轉大僕卿帝嘗賜祥詩曰伯斐朝寄重夏侯親遇深貴耳唯聞古賤目詎知今早擢勁草質又有背淮心掃逆黎山外振旅河之陰功已書王府留情大僕歲祥上表辭謝帝手詔曰昔歲勞公問罪河朔賊爾日塞

兩關之路據倉阻河公竭誠奮勇一舉而尅故聊示所懷
亦何謝也尋遷鴻臚卿從征吐谷渾祥出玉門道擊虜破
之進位右光祿大夫拜右驍衛大將軍及征遼東出蹋頰
道不利由是除名俄拜燕郡太守被賊高開道所圍城陷
開道甚禮之會開道與羅藝通和送祥於涿郡卒於塗子
義隆永年令祥弟雲字世高亦以父勳賜爵武平縣公歷
位司職下大夫儀同大將軍萊州刺史雲弟威字世儀亦
以父勳賜爵武當縣公

權景宣字暉遠天水顯親人也父曇騰魏隴西郡守贈秦
州刺史景宣少聰悟有氣俠宗黨皆歎異之年十七魏行
臺蕭寶夤見而奇之表為輕車將軍及寶夤敗景宣歸鄉
里周文帝平隴右擢為行臺郎中孝武西遷授鎮遠將軍
步兵校尉加平西將軍秦州大中正大統初轉祠部郎中
景宣曉兵權有智略從周文拔弘農破沙苑皆先登陷陣
轉外兵郎中從開府于謹接洛陽景宣督課糧儲軍以周
濟時初復洛陽將修繕宮室景宣率徒三千先出採運會
東魏兵至司州牧元季海等以眾少拔還屬城悉叛道路
擁塞景宣將二十騎且戰且走從騎略盡景宣輕馬突圍
手斬數級馳而獲免因投人家自匿景宣以父藏非計乃
偽作周文書招募得五百餘人保據宜陽聲言大軍續至

東魏將段琛等率衆至九曲憚景宣不敢進景宣恐琛審其虛實乃將腹心自隨詐云迎軍因得西道與儀同李延孫相會攻拔孔城洛陽以南尋亦來附周文即留景宣守張白塢節度東南義軍東魏將王元軌入洛景宣與延孫等擊走之以功授大行臺左丞進屯宜陽攻襄城拔之獲郡守王洪顯周文嘉之徵入朝錄前後功封顯親縣男除南陽郡守郡隣敵境舊制發人守防三十五處多廢農桑而姦宄猶作景宣至並除之唯修起城樓多備器械寇盜歛迹人得肄業焉百姓稱之立碑頌德周文特賞粟帛以旌其能遷廣州刺史侯景舉河南來附景宣從僕射王思

政經略應接既而侯景南叛恐東魏復有其地以景宣爲大都督豫州刺史鎮樂口東魏亦遣張伯德爲刺史伯德令其將劉貴平率其戍卒及山蠻屢來攻逼景宣兵不滿千人隨機奮擊貴平乃退走進授使持節車騎大將軍儀同三司潁川階後周文以樂口等諸城道路阻絕悉令拔還襄州刺史祀秀以狼狽獲罪景宣號令嚴明戎旅整肅所部全濟獨被優賞仍留鎮荊州委以鷗南之事初梁岳陽王蕭譽將以襄陽歸朝仍勒兵攻梁元帝於江陵譽叛將杜岸乘虛襲之景宣乃率騎二千助譽因是乃送其妻王氏及子寮入質景宣又與開府楊忠取梁將柳仲禮拔

安陸隨郡久之隨州城人吳士英殺刺史黃道王因聚為
寇景宣以英小賊可以計取之若聲其罪恐同惡者眾迺
與英書偽稱道王凶暴歸功英等英等果信之遂相率而
至景宣執而戮之獲其黨與進攻應城拔之獲夏侯珍洽
於是應禮安隨並平朝議以景宣威行南服廼授并安肆
郢新應六州諸軍事并州刺史尋進驃騎大將軍開府儀
同三司加侍中兼督江北司二州諸軍事進爵為伯唐州
蠻田魯嘉自號豫州伯引至齊兵大為人害景宣又破之
獲魯嘉以其地為郡轉安州刺史梁定州刺史李洪遠初
歎後叛景宣惡其懷貳密襲破之虜其家口及部眾洪遠

脫身走免自是酋帥懾服無敢叛者燕公于謹征江陵景
宣別破梁司空陸法和司馬羊亮於涇水又遣別帥攻拔
魯山多造舟艦益張旗幟臨江欲度以懼梁人梁將王琳
在湘州景宣遺書喻以禍福琳遂遣長史席壑因景宣請
舉州款附周孝閔帝踐阼徵為司憲中大夫尋除基郡破
平四州五防諸軍事江陵防主加大將軍保定四年晉公
護東討景宣別略河南齊豫州刺史王士良永州刺史蕭
世怡並以城降景宣以開府謝徹守永州開府郭彥守豫
州以士良世怡及降卒一千人歸諸京師尋而洛陽不守
乃棄二州拔其將士而遷至昌州而羅陽蠻反景宣回軍

破之還次霸上晉公護親迎勞之天和初授荊州刺史總
管十七州諸軍事進爵千金郡公陳湘州刺史華皎舉州
款附表請授兵救景宣統水軍與皎俱下景宣到夏口陳
人已至而景宣以任遇隆重遂驕傲縱恣多自矜伐兼納
賄貨指麾節度朝出夕改將士憤怒莫肯用命及水軍始
交一時奔北戰艦器仗略無子遺時衛公直總督諸軍以
景宣負敗欲繩以軍法朝廷不忍加罪遣使就軍赦之尋
遇疾卒贈河渭鄠三州刺史謚曰恭子如璋嗣位至開府
膠州刺史如璋弟仕玠儀同大將軍廣川縣侯
論曰王盟始以親黨升朝終而才能進幸勤言運始位列

周行實參迹於功臣蓋弗由於恩澤誼文武可才以剛正
見忌有隋受命鬱為各臣末路披猖信有終之克鮮獨孤
信威申南服化洽西州信著遐方光昭隣國雖不免其身
慶延于後三代外戚何其盛與竇熾儀表魁梧器識雄遠
入參朝政則嘉謀屢陳出總藩條則惠政斯洽毅忠肅奉
上溫恭接下茂實彰於本朝義聲播於殊俗竝以國華人
望道當官榮映一時慶流來葉及熾遲疑勸進有迭改
之心雖王公恨恨何以加此榮定以功懋賞以勞定國保
其祿位貽厥子孫盛矣賀蘭祥叱列伏龜閭慶等雖皆緣
戚屬各以功名自終而叱製造之功亦足傳於後葉史寧

權景宣並以將帥之才受內外之寵總戎薄伐著剋敵之
功布政莅人垂稱職之譽若此者豈非有國之良幹與然
而史在末年貨財虧其雅志摧亦晚節矜驕喪其威聲惜
矣揚諒干紀祥獨剋之効亦足稱云爾

列傳第四十九

北史六十一



